



KOMUNIKADO PA PRENSA

Fecha
30 di desèmber 2016

Kolaboradó di Maneho
Corinne Leysner

Email
corinne.leysner@gobiernu.cw

KAMBIONAN DEN RUTA DI TRAFIKO DEN PUNDA

Willemstad – Minister Suzy Camelia – Römer, ta anunsiá ku polis i Obra Públiko ta tuma e siguiente medidanan di tráfiko i seguridat, relashoná ku sendementu di pagara pa selebrashon di fin di aña riba dia 31 di desèmber próksimo den Punda. Dia 30 di desèmber for di 12’or di anochi no por parker na ámbos banda di Pietermaaiweg i Kaya Wilson Papa Godett te na “Scuba lodge”.

Dia 31 di desèmber te ku 9or di mainta, tráfiko ta sigui normal. Despues di 9’or di mainta ta sera tráfiko riba Pietermaaiweg na altura di “Café de Tijd” te na “Scuba lodge”. E tráfiko ku ta drenta Punda ta keda desviá for di De Ruyterkade via di Waaigatplein direkshon Sha Caprileskade - Handelskade - Gouvernementsplein - Plaza Manuel Piar - Waterfortstraat - Hendrikplein - Pietermaaiplein entrada Pietermaai Parking. Por parker den Pietermaai Parking.

Pa sali for di Punda ta bai direkshon di Prinsenstraat pa Kaya Junior Salas kue direkshon di De Ruyterkade. Despues di e tiramentu di pagara lo habri Kaya Papa Godett pa tráfiko. Trùk i bùsnan grandi no ta permití pa drenta Punda via di e kamindanan ariba menshoná. Tráfiko motorisá ku no ta deseá di drenta Punda por hasi uso di Wilhelminabrug (direkshon Scharloo) i De Ruyterkade (Marshe Nobo) i bandoná e área di Punda.

Vehíkulonon ku no tene nan mes na e medidanan di tráfiko aki lo keda di tou pa un kran riba gastu di e doño. Pa seguridat di pueblo en general ta supliká tur persona pa tene nan mes na e medidanan di siguridat i di tráfiko ariba menshoná.